



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

Quomodò regnum Dei no[n] est cibus & potus. tit. 234.

**urn:nbn:de:hbz:466:1-29452**

&c. Hæc est carnalis libertas. Nam iubet Dominus obedire potestati, Roman. 13. & 1. Pet. 2. iubemur obedire omni creaturæ propter Deum. Qui ergo contemnit traditiones, etiam potestatem contemnit, & sic est peccatum. Subindè læditur charitas & vnitas proximi. Concordia & charitas res magna est: ne illa violarentur, Paulus noluit manducare carnes in æternum, 1. Corinth. 8. licet manducatio illa non iustificaret, sic propter concordiam & vnitatem circumciditur Timotheus, Actorū 16. attamen quod dæi tribuebāt circumcisioni iustificationem, noluit circumcidere Titum. Galat. 2. Hæc omnia in eum finem dicuntur, vt sciatur vnde sit iustificatio & salus nostra, non scilicet à lege, cæremonijs, &c. sed per fidem impetratur in Iesum Christum. Subindè sequi debet obedientia legis, cæremoniãrū & cultuum. Hæc enim retinent & ampliorem reddunt gratiam.

QVOMODO REGNUM DEI  
non est cibus & potus.

## TITVLVS CCXXXIIII.

**R**otandum primò, quòd Deus habet duplex regnum, in quo viuit & regnat: vnum in cœlis, in quo Deus est & residet, vt rex immortalis & inuisibilis solus Deus, 1. Timoth. 1. Regi sæculorum immortalis & inuisibili, &c. Hoc regnum plenum est omni gaudio & bonis, sicut Esai. 46. dicit, quòd oculus non vidit, nec auris audiuit &c. in hoc regno præsidet omnibus angelis & creaturis. Aliud quoq; regnum habet hic in terris DEVS, & illud non est res corporalis, nec extra hominem, nec cibus, potus, vestitus, locus, &c. aut pecunia, agri, domus, &c. Hæc omnia corporalia sunt, & extra hominem. sed est res spiritualis in homine, vt fides, charitas, humilitas,

LLI 4 castitas,



castitas, misericordia, patientia, timor Domini, & id genus fructus Spiritus sancti, Galat. 5. qui tales natus spirituales in nobis excitat, & sic dicit Apollolus Roma. 14. Regnum Dei non est cibus & potus, id est, res corporalis, sed iustitia dei quæ nos iustificat, non imputando peccata propter fidem in Christum: est pax conscientiæ, de redemptione à peccato per CHRISTVM, quod nos damnare non poterit: est gaudium in spiritu sancto, quoniam Christus nobis datus est, ut sit nostra sapientia, iustitia & sanctificatio, 1. Corinth. 1. Sic res spiritualis est regnum, quoniam ijs motibus spiritualibus vivit & regnat Deus in cordibus nostris.

Secundò, sic Christus Lucae 17. Respondit Pharisæis, quærentibus in qua res staret regnum Dei: Regnum Dei non stat aut venit cum observatione, id est, externis gestibus, ritibus aut pompis, neque hic aut in illo loco est, id est, non in cæremonijs externis, in culla organæ, candelis, vexillis, vel cibo, potu, &c. aut alijs externis rebus, sed regnum Dei intra vos est, id est, fides, dilectio, timor, spes, misericordia, & cæteri fructus Spiritus sancti, hæc intra nos esse oportet & debent, & in his motibus vivit & regnat Deus in cordibus nostris.

Hoc regnum primò quærere iubet Christus, Mart. 6. ut habeamus fidem, dilectionem, timorem, &c. Hæc est iustitia regni dei, & hæc habita, cætera omnia adiiciuntur corporalia & cælestia. Hoc regnum Dei in terra sequetur regnum Dei in cælis, & nisi hoc præcesserit, altærum non sequetur, sicut nec sapor potum.

Tertiò inquires: Nihil ergo sunt externæ observationes, & ritus ac cultus, cæremoniæ, cibus & vestitus locus &c. Respon. Hæc sunt ornamenta & quædam maiestas harum virtutum, id est, fidei dilectionis timoris sunt vestes nuptiales, sed non ipsæ nuptiæ, & non sunt ipsa virtus. Sic abstinentia cibi, potus vestitus



& cæter. non per se & ex propria dignitate, sed quoni-  
am ex fide & dilectione Dei procedunt. fides nostra at-  
que dilectio ijs cultibus ornantur, idè externæ ob-  
seruationes illæ non sunt nucleus, sed testæ: nō virtus  
ipsa, sed ornamentū virtutis: attamē placent. Deo, &  
sua habēt præmia, quoniā vincula & testæ sunt, in qui-  
bus includūtur huiusmodi virtutes & regnū Dei, &c.

## MORS NATURALIS ET

*Christiana.*

## TITVLVS CCXXXV.

**P**rimò, notandum, quòd stipendium pro  
peccato, est mors in hominibus omni-  
bus, Roman. 6. Statutum est homini, eò  
quòd peccauit, semel mori, Hebr. 9. Hæc  
mors naturalis fit semel, sed spiritualis  
per peccatum fit sæpe, Prouerbior. 24. Septies in die  
cadit iustus & resurgit. Hęc mors naturalis commu-  
nis est cum cæteris animalibus, attamen hominis est  
cum spe resurgendi & gloriæ acquirendæ cum filijs  
Dei, Rom. 8. id quod nō habent cæteræ creaturæ, &c.

Secundò, homo Christianus omnem hic curam de-  
bet adhibere, vt scilicet Christianè moriatur: quod fit  
si in fide Catholica moritur, quoniam sectæ regnum  
Dei non possidebunt, Gal. 5. Secundò, si in charitate,  
deposita omni inuidia erga quemcunque hominem,  
moriatur. Nam Christus iubet reconciliari fratri  
tuo ante oblationem doni in altari, Matthæi, 5. etiam  
non vult corpus tuum aut animam habere, si cum in-  
uidia recedit. Tertiò, si in pœnitentia cordis recedit,  
id est, dolet, quod vnquam Deum offenderit & pro-  
ximum, & petit sibi indulgeri, sicut & ipse indulget,  
Matthæi. 6. Quartò, quòd omnia propter Deum vo-  
luntariè relinquat, donum, vxorem, filios, amicos,  
thesaurum temporalē, cogitans, quòd multo amœ-  
norem